

HITZARMENA, EUSKO JAURLARITZAKO HEZKUNTZA SAILAREN ETA
BEASAINGO LOINATZ MUSIKA ESKOLAREN ARTEKOA, UDAL
TITULARTASUNEN MUSIKA-ESKOLAK ETA KONTSERBATORIO PROFESIONALAK
SENDOTZEKO HELBURUZ IZENPETUA.

Vitoria-Gasteiz, 2018ko apirila ren 24 a

BILDU DIRA

Alde batetik, Hezkuntzako sailburu Cristina Uriarte Toledo andrea.

Bestetik, Beasaingo Loinatz Musika Eskola Publikoak-ko legezko ordezkaria.

HONAKO HAU AZALTZEN DUTE

Lehenengoa.- Hezkuntzako sailburuaren 2017ko azaroaren 28ko Aginduaren bidez (2017ko abenduaren 13ko EHAA), Euskal Autonomia Erkidegoko tokiko erakundeentzako deialdia iragarri zen, erakunde horiek laguntza-eskabideak aurkeztu ditzaten udal-titulartasuneko musika-eskoletan eta musika-kontserbatorio profesionaletan egungo eskaintza sendotzeko.

Bigarrena.- Beasaingo Loinatz Musika Eskola Publikoak, kultura eta musika hedatzeko jardueren barruan, eskabide hori aurkeztu du, aipatutako aginduari jarraituz.

Hirugarrena.- Hezkuntza Sailak, agindu horretan xedatutakoa oinarri hartuta, Beasaingo Loinatz Musika Eskola Publikoak aurkeztutako eskabidea onartu du, eta, horrenbestez, hitzarmen hau sinatzen du, honako klausula hauen arabera:

KLAUSULAK

Lehenengoa.- Lege-esparrua.

Hitzarmen honetan aintzat hartzen diren zehaztapenak bat datoz Hezkuntzako sailburuaren 2017ko azaroaren 28ko Aginduan ezarritako esparruarekin. Agindu horren bidez, Euskal Autonomia Erkidegoko tokiko erakundeentzako deialdia iragarri zen, erakunde horiek musika-eskoletarako eta musika-kontserbatorio profesionaletarako laguntza-eskabideak aurkeztu ditzaten.

Bigarrena.- Xedea.

Hitzarmen honen xedea da sinatzen duen toki-erakundearen titulartasuneko musika-eskolaren edo musika-kontserbatorio profesionalaren 2016-17ko ikasturteko kostuak finantzatze aldera.

Hirugarrena.- Egingo diren hezkuntza-ekintzak.

Ikastegi bakoitzaren urteko plangintzan zehaztutako ekintzak gauzatuko dira. Izan ere, musika-eskola edo kontserbatorio profesional bakoitzak prestatu beharko du plan hori, eta agindu horren 8. artikuluan ezarritako jarraipen-batzordearen esku utzi.

Laugarrena.- Hartzaileak.

Hartzaile zuzena hitzarmen hau sinatzen duen toki-erakundearen titulartasuneko musika-eskola edo musika-kontserbatorio profesionala da, eta, azken finean, bertan ikasten ari diren seme-alabak dituzten familiak dira hartzaile.

Bosgarrena.- Aldeen ekarpenak.

Proiektuan jasotako helburuak lortzeko eta proiektuko ekintzak gauzatzeko, sinatzaileek ekarpen eta konpromiso hauek hitzartu dituzte:

A) Toki-erakunde sinatzailearen aldetik:

A 1 – Ekarpenak.

- Giza baliabideak eta baliabide materialak, urriaren 27ko 289/1992 Dekretuan zehaztutakoak. Dekretu horren bidez, Euskal Autonomia Erkidegoan musika-irakaskuntza espezifikoa, arautu gabea, ematen duten ikastegiak –musika-eskolak– sortzeko prozesua eta haien jarduna arautzen dira.

- Giza baliabideak eta baliabide materialak, martxoaren 15eko 303/2010 Errege Dekretuan zehaztutakoak. Dekretu horren bidez, Hezkuntzari buruzko maiatzaren 3ko 2/2006 Lege Organikoan araututako irakaskuntza artistikoak ematen dituzten ikastegiek –musika-kontserbatorio profesionalek– bete behar dituzten gutxieneko baldintzak finkatzen dira.

- Ikastegiari lotutako hainbat alderdi (kontrola, antolaketa, administrazioa, garbitasuna, mantentze-lanak eta beste zerbitzu batzuk) aintzat hartzeko eta bermatzeko behar diren langile egokiak.

- Hezkuntza-proiektuaren bideragarritasuna bermatzeko behar beste baliabide ekonomiko, alde batera utzita Hezkuntza Sailaren diru-laguntzen bidez lor daitezkeenak.

A 2 – Konpromisoak.

- Hezkuntza Sailaren diru-laguntza zertarako eman den, helburu horrexetarako bakarrik erabiltzea, hitzarmen honen bigarren klausulan adierazten denari jarraituz.

- Jarraipen-batzordearen esku uztea ikastegiaren urteko memoria, diru-laguntzaren xede den ikasturteari dagokiona.

B) Hezkuntza Sailaren aldetik:

Ekarpen ekonomikoak.

- Hezkuntza Sailak, 2018ko apirilaren 11ko Ebazpenaren bidez, 145.097,00 euroko diru-laguntza ematen dio toki-erakunde sinatzaileari, 2016-17ko ikasturteko kostuak finantzatzeko laguntza gisa.

Laguntzaren xedea betetzen dela ikuskatuko du horretarako eratutako jarraipen-batzordeak.

Seigarrena.- Diru-laguntza ordaintzeko epeak.

Eusko Jaurlaritzaren Hezkuntza Sailak epe hauetan ordainduko du aurreko klausulan adierazitako diru-laguntza:

1.- Laguntzaren % 12, hitzarmen hau sinatu ostean, eta hitzarmen honen lehenengo klausulan aipatutako Hezkuntzako sailburuordearen 2018ko apirilaren 11ko Ebazpena Eusko Jaurlaritzaren egoitza elektronikoaren iragarki-taula elektronikoan argitaratu ondoren, 2017ko azaroaren 28ko Agindua oinarri hartuta, eta agindu horren 18. artikularen 1. atalean adierazitako epea amaituta.

2.- Laguntzaren % 88, aipatutako 2017ko azaroaren 28ko Aginduaren 16. artikuluan adierazitako gastuen egiaztagiria aurkeztu ostean.

Zazpigarrena.- Ez betetzea eta itzultzeko prozedura.

Erakunde sinatzaileak diru-laguntza eskatu eta eman zen helbururako erabiltzen ez badu, diru-laguntza emateko zergatia izan zen jarduera burutzen ez badu, diru-laguntza eskatzeko adierazitako xedeetarako erabili duela justifikatzen ez badu, edo, orokorrean, ez baditu betetzen 2017ko azaroaren 28ko Aginduan xedatutako betebeharrak, azaroaren 11ko 1/1997 Legegintzako Dekretuaren (Euskadiko Ogasun Nagusiaren Antolarauei buruzko Legearen testu bategina onartzen duena) 53. artikulua xedatutako betebeharrak edo hitzarmen honetan adierazitakoak, jasotako diru-kopurua itzuli beharko du, baita sortutako legezko interesak ere. Horretarako, abenduaren 17ko 698/1991 Dekretuan ezarritako prozedurari jarraituko zaio.

Adierazitako zenbateko horiek diru-sarrera publikotzat hartuko dira legezko ondorio guztietarako.

Zortzigarrena.- Hitzarmenaren indarraldia.

Hitzarmena sinatzen den egunean bertan jarriko da indarrean, eta 2018ko ekainaren 30era arte egongo da indarrean.

Bederatzigarrena.- Hitzarmen honek izaera administratiboa du, eta horrek dakartzan ondorioak aintzat hartuko dira aplikatzean ager daitezkeen gorabeherak ebazteko.

Ados daudela egiaztatzeko, interesdunek hitzarmen honen bi ale sinatzen dituzte, goiburuan adierazitako tokian eta egunean.

HEZKUNTZAKO SAILBURUA
CRISTINA URIARTE TOLEDO

CRISTINA
URIARTE
TOLEDO

Firmado digitalmente
por CRISTINA
URIARTE TOLEDO
Fecha: 2018.05.04
10:53:52 +02'00'

BEASAINGO LOINAZ MUSIKA ESKOLA P^{LU}
LEGEZKO ORDEZKARIA
IZENA:
M^a ARANZAZU GASTESI IRIARTE.

15952041T MARIA
ARANZAZU
GASTESI (R:
P7002102G)

Digitally signed by 15952041T MARIA
ARANZAZU GASTESI (R: P7002102G)
DN: c=ES, o=BEASAINGO LOINAZ MUSIKA
ESKOLA, 2.5.4.97=VATES-P7002102G,
ou=Ordezkaritza zuzendaria - Certificado de
representante, cn=15952041T MARIA
ARANZAZU GASTESI (R: P7002102G),
givenName=MARIA ARANZAZU, sn=GASTESI
IRIARTE, serialNumber=15952041T
Date: 2018.04.25 13:58:19 +02'00'